

e-FLYERS UNIT INTEGRITI
KEMENTERIAN KESIHATAN MALAYSIA



BEBAS

PENGARUH LUAR & SURAT SOKONGAN



PENGARUH LUAR

Apa-apa bentuk tekanan / desakan sama ada lisan, bukan lisan atau apa-apa bentuk yang lain daripada **Pemimpin Kerajaan** atau **Individu Berpengaruh** ke atas warga KKM yang bertujuan untuk menyokong sesuatu permohonan atau mempengaruhi pertimbangan keputusan.

Pemimpin Kerajaan

Merujuk kepada tafsiran “Anggota Pentadbiran” di bawah Fasal (2), Perkara 160, Perlembagaan Persekutuan, Ahli Parlimen dan Ahli Undangan Negeri

Individu Berpengaruh

Individu yang mempunyai kedudukan dalam Kerajaan atau hubungan dengan pihak-pihak berkuasa, orang kenamaan, ahli-ahli politik dan lain-lain

SURAT SOKONGAN

Apa-apa komunikasi yang disampaikan sama ada secara lisan atau bukan lisan termasuk dalam bentuk surat, memo, minit, emel, khidmat pesanan ringkas, percakapan mulut, panggilan telefon atau bentuk-bentuk lain yang bertujuan menyokong sesuatu permohonan atau mempengaruhi pertimbangan keputusan.

Urusan Kerajaan

Apa-apa urusan Kerajaan seperti perolehan, pengurusan sumber manusia, permohonan kelulusan lesen / permit, pinjaman, biasiswa dan lain-lain hal berkaitan dengan KKM

KESALAHAN BERKAITAN PENGARUH LUAR DAN SURAT SOKONGAN

- **membawa** atau **cuba membawa** pengaruh luar atau **mengemukakan** apa-apa surat sokongan daripada mana-mana Pemimpin Kerajaan dan Individu Berpengaruh bagi menyokong sesuatu permohonan atau mempengaruhi pertimbangan keputusan; dan
- **menggunakan** pengaruh luar atau surat sokongan sebagai **asas pertimbangan** atau arahan daripada Pemimpin Kerajaan dan Individu Berpengaruh dalam membuat keputusan.

TINDAKAN PENJAWAT AWAM DALAM MENGURUSKAN PENGARUH LUAR DAN SURAT SOKONGAN

Sokongan diterima secara :

DITERIMA SECARA BERTULIS
Hendaklah difailkan

DITERIMA SECARA LISAN
Hendaklah dicatatkan komunikasi tersebut & segala maklumat berkaitan dalam helaian minit fail yang berkaitan

Segera **melaporkan secara bertulis** sokongan yang diterima kepada **Ketua Jabatan atau Unit Integriti KKM**
ATAU
Sekiranya **atas apa-apa sebab tertentu atau tidak praktikal** untuk melaporkan kepada Ketua Jabatan, hendaklah **melaporkan kepada agensi Kerajaan** yang berkaitan untuk tindakan lanjut

PENGARUH LUAR & SURAT SOKONGAN OLEH ANGGOTA PENTADBIRAN & PEMIMPIN KERAJAAN

Kod Etika Bagi Anggota Pentadbiran Dan Ahli Parlimen yang dikeluarkan pada Disember 2018 menetapkan bahawa Anggota Pentadbiran dan Ahli Parlimen **hendaklah memastikan tidak berlaku percanggahan kepentingan** antara jawatan awamnya dan kepentingan peribadinya. Percanggahan kepentingan boleh berlaku akibat pengaruh dan kuasa yang ada pada Anggota Pentadbiran dan Ahli Parlimen selaku Kerajaan.

Sehubungan itu, Anggota Pentadbiran dan Pemimpin Kerajaan **hendaklah mengelakkan daripada menggunakan jawatan** untuk mengenakan apa-apa tekanan ataupun mengeluarkan apa-apa surat sokongan bagi maksud menyokong apa-apa permohonan atau tuntutan kepada warga KKM.

PEMATUHAN

Kegagalan atau keengganan warga KKM mematuhi Polisi ini boleh disifatkan sebagai ingkar perintah dan dikenakan tindakan tatatertib di bawah Peraturan-Peraturan Pegawai Awam (Kelakuan Dan Tatatertib) 1993 atau Akta Badan-Badan Berkanun (Tatatertib Dan Surcaj) 2000 (Akta 605).



Seorang pegawai menggunakan pengaruh ahli politik bagi menandatangani surat sokongan permohonan pertukaran tempat bertugas. Adakah tindakan pegawai tersebut dibenarkan?

- Tindakan pegawai tersebut adalah tidak dibenarkan dan boleh dikenakan tindakan tatatertib di atas niat menggunakan pengaruh luar serta surat sokongan bagi mendapatkan kelulusan untuk bertukar tempat bertugas. Seharusnya jika pegawai tersebut ingin melakukan pertukaran tempat bertugas, pegawai perlu memohon melalui saluran yang dibenarkan tanpa melibatkan pengaruh luar dan surat sokongan.

Din, aku nak minta tukar tempat kerja la.. Boleh tak aku guna surat sokongan ahli politik?



Tak boleh Mat. Kau boleh dikenakan tindakan tatatertib nanti.
Kita kan penjawat awam yang berintegriti.
Kau ikut je prosedur biasa, supaya kita semua mendapat hak sepatutnya tanpa berat sebelah

SUMBER :

- 1. GARIS PANDUAN TINDAKAN KE ATAS SOKONGAN YANG DITERIMA DARIPADA PEMIMPIN KERAJAAN, INDIVIDU BERPENGARUH ATAU MANA-MANA ORANG MENGENAI SESUATU URUSAN KERAJAAN, JABATAN PERDANA MENTERI BERTARIKH 8 MAC 2020**
- 2. SURAT EDARAN KETUA SETIAUSAHA KEMENTERIAN KESIHATAN MALAYSIA BERTARIKH 18 JUN 2014 – PERINGATAN LARANGAN BERKENAAN PENGARUH LUAR DAN GARIS PANDUAN SURAT SOKONGAN DI KEMENTERIAN KESIHATAN MALAYSIA**
- 3. KOD ETIKA BAGI ANGGOTA PENTADBIRAN DAN AHLI PARLIMEN, JABATAN PERDANA MENTERI YANG DIKELUARKAN PADA DISEMBER 2018**
- 4. POLISI PENGURUSAN PENGARUH LUAR DAN SURAT SOKONGAN KKM 2019, MS ISO 37001: 2016**

DISEDIAKAN OLEH :

UNIT INTEGRITI, KEMENTERIAN KESIHATAN MALAYSIA

ARAS 5, BLOK E3, KOMPLEKS E, PUTRAJAYA

03-8892 4798 / 4991

integriti@moh.gov.my